

國

語

晉語第十五

國語

韋氏解

士景伯如楚

景伯晉理官士彌牟如楚聘也

叔魚爲質理

叔魚羊舌肸也

也景伯如楚故叔魚攝其官也傳曰叔魚攝理

邢侯與隄子爭

日二子皆晉大夫也

侯楚申公巫臣之子也巫臣奔晉晉與之疆界也

隄子

納其女於叔魚以求直

傳曰不直故納其女罪在隄子

及蔽獄之日

叔魚抑邢侯

蔽決也抑枉也

邢侯殺叔魚與隄子於朝韓宣

子患之叔向曰三姦同罪請殺其生者而戮其死者

陳尸爲戮

宣子曰若何對曰鮒也鬻獄

鬻賣也

隄子賈之以

其子邢侯非其官也而干之

官司寇也干犯也

夫以回鬻國

之中

回邪也中平也

與絕親以買直與非司寇而擅殺其罪

一也邢侯聞之逃遂施邢侯氏

施施効捕也

而尸叔魚與

離子於市

死時在朝故尸於市在魯昭十四年

中行穆子率師伐翟圍鼓

穆子晉卿中行偃之子荀吳中行伯也翟鮮虞也鼓

白翟別邑在魯昭十五年

鼓人或請以城畔穆子不受軍吏曰可

無勞師而得城子何不爲穆子曰非事君之禮也夫

以城來者必將求利於我

利爵賞也

夫守而二心茲之大

者也賞善罰茲國之憲法也許而弗予失吾信也若

其予之賞大茲也茲而盈祿善將若何

盈滿也

且夫翟

之憾者以城來盈願

憾恨也

晉豈其無

豈無恨也

是我以鼓

教吾邊鄙貳也

貳二心也

夫事君者量力而進

進進取也

不能則

退不以安賈貳

賈市也安謂不勞師而得鼓

令軍吏呼城儻將攻

之未傳而鼓降

傳箸也

中行伯既克鼓以鼓子宛支來

宛支鼓子爲鞮也穆子既克鼓以爲鞮歸

既獻而反之其後又畔魯昭二十二年荀吳襲鼓滅之以爲鞮歸使涉它守之也

令鼓人各

復其所非寮勿從

寮官也

鼓子之臣曰夙沙釐以其孥

行釐將妻子從鼓子也

軍吏執之辭曰我君是事非事土也名

曰君臣豈曰土臣今君實遷

遷徙也

臣何賴於鼓

賴利也

穆子召之曰鼓有君矣

君謂涉也

爾止事君吾定而祿

爵

定安也而決也

對曰臣委質於翟之鼓未委質於晉之鼓

也

質質也士贊以堆委贊而退

臣聞之委質爲臣無有二心委質

而策死古之法也

言委質於君書名於策示必死也

君有烈名臣無

畔質

烈明也

敢卽私利以煩司寇而亂舊法其若不虞

何

卽就也虞度也若就私利是爲畔君畔君有辜故煩司寇舊法策死之法也若臣皆如是是將有不

意度而至之患

者晉其如之何穆子歎而謂其左右曰吾何德之務

而有是臣也

吾當脩務何德而得若此之臣乎

乃使行旣獻

於頃公

言釐之賢於頃公頃公昭公之子去疾也

與鼓子田於河陰

河陰晉河

南之田使君而田之

使夙沙釐相之

范獻子聘於魯

獻子范宣子之子士鞅也聘在魯昭二十二年

問具山敖山

魯人以其鄉對

言其鄉也

獻子曰不爲具敖乎對曰先

君獻武之諱也

獻伯禽之曾孫微公之子獻公具也武獻公之庶子武公敖也

獻子

歸徧戒其所知曰人不可以不學吾適魯而名其二

諱爲笑焉唯不學也

言學則必知諱不見笑也禮人入境而問禁入門而問諱

之有學也猶木之有枝葉也木有枝葉猶庇蔭人而

況君子之學乎

董叔將取於范氏

董叔晉大夫也范氏范宣子之女

叔向曰范氏富

盜已乎

言富必驕驕必陵人已止也

曰欲爲繫援焉

欲自繫綴以爲援助也

日董祁愬於范獻子

祁董叔之妻獻子之妹也范姓祁名也

曰不吾敬

也獻子執而紡於庭之槐

紡縣也

叔向過之曰子盍爲

我請乎叔向曰求繫旣繫矣求援旣援矣欲而得之

又何請焉

趙簡子曰魯孟獻子有鬪臣五人我無一何也

簡子晉卿

趙文子之孫景子之子趙鞅志父也孟獻子魯大夫仲孫蒧也鬪臣扞難之士叔向曰子不

欲也若欲之肸也待交捽可也

此言欲勇則勇士至

梗陽人有獄將不勝

梗陽魏氏之邑獄訟也

請納賂於魏獻子

獻子將許之

獻子晉正卿魏戌之父魏舒也傳曰梗陽人有獄魏戌不能斷以獄上其大宗

賂以女樂獻子將受之或云大宗即舒也昭謂大宗訟者之大宗為訟者納賂

閻沒謂叔寬

曰與子諫乎

閻沒閻明叔寬女齊之子叔襄也皆晉大夫傳曰魏戌使二子諫

吾主

以不賄聞於諸侯

主獻子也不賄不貪財也

今以梗陽之賄殃之

不可

殃猶病也

二人朝而不退獻子將食問誰在庭曰閻

明叔襄在召之使佐食

佐猶勸也

比已食三歎既飽獻子

問焉曰人有言曰唯食可以忘憂吾子一食之間而
三歎何也同辭對曰吾小人也貪饋之始至懼其不
足故歎中食而自咎也曰豈主之食而有不足是以
再歎主之既食願以小人之腹爲君子之心屬厭而
已是以三歎屬適也厭飽也已止也適小飽足則自節止
梗陽人善二子善論而不逆獻子能覺改也獻子曰善乃辭

下邑之役董安于多

下邑晉邑董安于趙簡子家臣多功也周禮曰戰功曰多魯定

十三年簡子殺邯鄲大夫趙午午之子稷以邯鄲畔午荀寅之甥也荀寅士吉射之姻也二人作亂攻趙氏之宮簡子奔晉陽晉人趙簡子賞之辭辭不受也固賞

之對曰方臣之少也進秉筆贊爲名命稱於前世義

於諸侯

言見稱譽於前世諸侯以爲義也

而主弗志

志識也

及臣之壯

也者其股肱以從司馬

耆致也司馬掌兵也

苛慝不產及臣之

長也端委鞞帶以隨宰人

無二心也端玄端委委兒也鞞韋蔽膝帶

大帶宰人宰官也

今臣一旦爲狂疾而曰必賞女

言戰鬪爲凶事猶人

有狂易之疾相殺傷也

是以狂疾賞也不如亡趨而出乃釋之

趙簡子使尹鐸爲晉陽

尹鐸簡子家臣晉陽趙氏邑爲治也

請曰以爲

繭絲乎抑爲保鄣乎

繭絲賦稅保鄣蔽打也小繭絲乎抑爲保鄣乎城曰保禮記曰遇入保者

簡子

曰保鄣哉尹鐸損其戶數

損其戶則民優而稅少

簡子誠襄子

襄子簡子之子無卹也

曰晉國有難而無以尹鐸爲少無以晉

陽爲遠必以爲歸

所謂保鄣

趙簡子使尹鐸爲晉陽曰必墮其壘培

墮壞也壘荀寅士吉射圍

趙氏所作壁壘也

吾將往焉若見壘培是見寅與吉射也

壘整

曰尹鐸往而增之

增高其壘因以自備也

簡子如晉陽見壘怒

既不墮又增之故怒也

曰必殺鐸也而後入大夫辭之

辭請不

可也

曰是昭余讎也

昭明也明我怨讎以辱我也

郵無正進

無正

晉大夫郵良伯樂

曰昔先主文子少釁於難

文子簡子之祖趙武也釁猶難

也難謂莊姬之讎趙氏見討

從姬氏於公宮

姬氏莊姬趙朔之妻文子之母晉景公之

姬也姬淫於趙嬰嬰兄趙同趙括放之姬讎同括景公殺之文子從莊姬於公宮

有孝德以

出在公族

爲公族大夫也

有恭德以外在位

在卿位也

有武德以

羞爲正卿

正卿上卿羞進也

有溫德以成其名譽失趙氏之

典刑

典常也刑法也

而去其師保

在公宮故無師保也

基於其身以克

復其所

基始也始更脩之於身以能復其先也

及景子長於公宮

景子文子

之子簡子之父趙成也從其王母在公宮

未及教訓而嗣立矣亦能纂脩

其身以受先業無謗於國順德以學子

學教也

擇言以

教子擇師保以相子今吾子嗣位有文之典刑有景

之教訓重之以師保加之以父兄

同宗之父兄

子皆疏之

以及此難

荀士之難

夫尹鐸曰思樂而喜思難而懼人之

道也委土可以爲師保吾何爲不增

言見壘培可以戒懼足當師保

不增

何爲不增

是以脩之庶曰可以鑑而鳩趙宗乎

鑑鏡也

若

罰之是罰善也罰善必賞惡臣何望矣簡子說曰微

子吾幾不為人矣

也微無

以免難之賞賞尹鐸

免難之賞軍賞

也言見戒而懼懼則有備是為免難也

初伯樂與尹鐸有怨

伯樂無正字

以

其賞如伯樂氏

如之

曰子免吾死敢不歸祿

祿所得賞也

辭曰吾為主圖非為子也怨若怨焉

若如也怨自如故也

鐵之戰趙簡子曰鄭人擊我吾伏弋咭血鼓音不衰

鐵衛地弋弓衣也晉中行寅范吉射以朝歌畔齊鄭與之魯哀公二年齊人輸范氏粟鄭罕達驪弘送之

范吉射逆之簡子集之遇於戚遂戰於鐵鄭人擊簡子中肩斃于車中伏弋上猶能擊鼓面汚血曰咭

今日之事莫我若也衛莊公為右

莊公衛靈公太子蒯瞶也圖殺少君

不成奔晉簡子許納之時為簡子車右

曰吾九上九下擊人盡殪

殪死也九

上九下車今日之事莫我加也郵無正御

無正王良御簡子

也 曰吾兩鞍將絕吾能止之

鞍鞞也能止馬徐行故不絕

今日之

事我上之次也

言次

駕而乘材兩鞍皆絕

乘轡也材橫木也

衛莊公禱

禱謂將戰時請福也

曰曾孫蒯聵以諄趙鞅之故

諄

也 敢昭告于皇祖文王

昭明也皇大也文王康叔之父

烈祖康叔

顯

也 文祖襄公

言文有文德也襄公蒯聵之祖父靈公之考

昭考靈公

昭明也靈公蒯

父夷請無筋無骨

夷傷也戰鬪不能無傷無筋無絕筋無骨無折骨也

無面傷

傷於面也無敗用

用兵無隕懼

隕隕也

死不敢請

言不敢請歸之神也

簡子

曰志父寄也

志父簡子之後名也春秋書趙鞅入于晉陽以叛後得反國故改爲志父寄寄禱也

趙簡子田于螻

螻晉君之圃

史黯聞之以犬待于門

史黯晉大

夫史墨也時爲簡子史犬田犬也門君園門也

簡子見之曰何爲曰有所得

犬欲試之茲園

也茲此

簡子曰何爲不告對曰君行臣

不從不順

言君從法臣從君也

主將適樓而麓不聞

麓主君苑園之官也

傳曰山林之木衡麓守之

臣敢煩當日

當日直日也言主將之君園不煩麓以告君臣亦不

取煩主之直日以自白也

簡子乃還

少室周爲趙簡子右

少室周趙簡子臣之姓名也右戎右也

聞牛談有

力

牛談簡子臣

請與之戲

戲角力也

弗勝致右焉

致右於談

簡子許

之使少室周爲宰

宰冢宰也

曰知賢而讓可以訓矣

趙簡子歎曰吾願得范中行之良臣

范吉射中行寅

史黯侍

曰將焉用之簡子曰良臣人之所願也又何問焉對

曰臣以爲不良故也夫事君者諫過而賞善

諫過臣按其惡

實善將

順其美薦可而替不

薦進也替去也傳曰君所謂可而有不焉臣獻其不以成其可

君所謂不而有可焉臣獻其可以去其不

獻能而進賢擇才而薦之朝夕

誦善敗而納之道之以文行之以順勤之以力致之

以死

死其難也

聽則進不則退今范中行氏之臣不能匡

相其君使至於難

難謂為亂見遂伐君而敗見討伐也事在魯定公十三年

君出

在外

以朝歌畔魯哀五年又奔齊

又不能定而棄之則何良之為

若弗棄則主焉得之夫二子之良將勤營其君使復

立於外死而後止何日以來

立於外有爵土於它國也

若來乃非

良臣也簡子曰善吾言實過矣

趙簡子問於壯馳茲

壯馳茲晉大夫蓋吳人也

曰東方之士孰為

瘡

瘡賢也

壯馳茲拜曰敢賀簡子曰未應吾問何賀對

曰臣聞之國家之將興也君子自以爲不足其亡也若有餘今主任晉國之政而問及小人又求賢人吾是以賀

趙簡子歎曰雀入于海爲蛤雉入于淮爲蜃

小曰蛤大曰蜃

皆介物蚌類也

黿鼉魚鱉龜莫不能化

化謂蛇成黿龜石首成鰓之類也

唯人

不能哀夫竇犢侍

竇犢晉大夫

曰臣聞之君子哀無人

人賢

也不哀無賄哀無德不哀無寵哀名之不令不哀年

之不登

登高也

夫中行范氏不恤庶難而欲擅晉國今

其子孫將耕於齊宗廟之犧爲畎畝之勤

純色爲犧諭二千皆

名族之後當爲祭主於宗廟今反人之化也何日之有

放逐昧厥之中是亦人之化也

趙襄子使新穉穆子伐翟

穉穉也代翟在春秋後

勝左人中人

左人中人中人中人

遽人來告

遽傳

襄子將食尋飯有恐色侍者曰狗之事大矣

大謂勝二邑

而主色不怡何也

怡說

襄子曰吾聞之德不純

純壹

而福祿並至謂之幸夫幸非福

德不能服必致寇故非福也

非德

不當雖

當猶任也離和也言唯有德者任以福祿爲和樂也

雖不爲幸

能和樂則不爲

幸吾是以懼

知宣子將以瑤爲後

知宣子晉卿荀躒之子甲也瑤宣子之子襄子知伯也

知

果曰不如宵也

知果晉大夫知氏之族也宵宣子之庶子也

宣子曰宵也